



UKA 2019/19

27/9-2019

Nivi Olsen

Uunga siunnersuut: Akiliisarfik Ilangaassivik pillugu Inatsisartut inatsisaat nr. xx, xx. xx 2019-imeersoq.
(Aningaasaqarnermut Nunanilu Avannarlerni suleqatigiinnermut Naalakkersuisoq)
(Siullermeerneqarnera)

Ajoraluartumik innuttaasut pisorta qarfirmut akiitsui annertuvallaalersimapput. Innuttaasut 30.000-it sinnerlugit pisorta qarfinnut akiitsoqarput, katillugillu akiitsut 1 milliard koruunit pallillugit. Soorunami taamaattoqaannarsinnaangilaq. Akiligassaminik akiliinngitsoortarneq innuttaqatinut akisussaaffeqannginneruvoq. Takorloorneqarsinnaavoq 1 milliard koruunit sunut ajunngitsorpassuarnut atorneqarsinnaangaluarnersut.

Tamatumuuna Ilangaassivittut ittumik ataqatigiimmik akileraanermut aaqqissuussamik pilersitsinissaq imminut akilersinnaavoq. Demokraatini isumaqarpugut innuttaasut pisorta qarfirmut akiitsuinut millisaanissamut alloriarneq taamak ittoq pisariaqarlunnartoq.

Erseqqissassavarpulli pingaartitorujuugatsigu Demokraatinit piumasaqaatit Naalakkersuisunit tusaaneqarsimmata, Ilangaassiviup innuttanut tamanut atuutinnginnissaa innuttalli akiitsullit kisimik tassunga ilaatinneqassammata. Uagutsinummi silatusarneruvoq innuttat akiliisnaallutik takutitserertut ataqatigiimmik aaqqissuussamut Ilangaassivittut ittumut pinngittaalisallutik ilaasariaqanngimmata. Taannarpiarmi Demokraatinut tassa liberalimik uummateqarnerup isumaa.

Innuttalli akiitsoqanngitsut piumagunik nammineerlutik aaqqissuussamut ilanngussinnaanerat nuannaraarput.

Ilangaassiviup innuttat pisortanut akiitsoqalernissaanut pinaveersaartitsisuussasoq Demokraatini ilimangaarput, aammattaaq aaqqissuussaq innuttanut ukiorpassuarni pisortanut akilersorsinnaangisaminik akiitsoqarsimasunut ikiuutaalluarsinnaalluni.

Taamaalilluni Ilangaassiviup inuiaqatigiinni aningaasarsionermut pitsanngorsaaqataanissaanut sakuulluarumaartoq upperilluinnarparput.

Taamatut oqaaseqarluta siunnersuut Aningaasaqarnermut Akileraartarnermullu Ataatsimiititaliaani suliarineqarlunissaanut innersuupparput.